



# Kantonalno javno komunalno preduzeće "RAD" d.o.o. 1401

Paromlinska 57, 71000 Sarajevo, Bosna i Hercegovina

Telefon: Centrala 033/658-038; Fax: 033/656-812; Eko telefon: 033/660-000  
E-mail: jkpradsa@bih.net.ba; Web: www.rad.com.ba; Viber i WhatsApp poruke: 062/220-330  
ID broj: 4200316890001, PDV broj: 200316890001, Poreski broj: 0170010500, Šifra djelatnosti: 38.11  
Preduzeće registrovano kod: Kantonalni sud u Sarajevu, Rješenje broj U/I 1664/89, Matični reg.broj 1-1819

Náš broj: 01-01-3 [redacted]  
Sarajevo, 18.04. 2025. godine

Bosna i Hercegovina  
Federacija Bosne i Hercegovine  
SKUPŠTINA KANTONA SARAJEVO



**PREDMET:** Odgovor na zastupničku inicijativu – *dostavlja se*  
*Veza – Vaš broj: 01-04-10266-17/25 od 28.03.2025. godine*

Poštovani,

U skladu sa zastupničkom inicijativom (Veza u naslovu) upućenom od strane zastupnica Elze Gaković, Mersihe Mehmedagić i Sanele Klarić na 21. radnoj sjednici Skupštine Kantona Sarajevo, održanoj dana 28.03.2025. godine, u nastavku dostavljamo sljedeći odgovor:

➤ **ZASTUPNIČKA INICIJATIVA:**

*“Na osnovu člana 106. Poslovnika Skupštine Kantona Sarajevo, upućujemo inicijativu prema JU CENTAR NAPREDNIH TEHNOLOGIJA za izradu projektne dokumentacije tehnološkog rješenja prečištača procjednih voda iz trupa deponije Smiljevići”*

➤ **ODGOVOR KJKP "RAD" d.o.o. Sarajevo:**

Prvenstveno se želimo zahvaliti na predmetnoj inicijativi koja pokazuje dobru volju za rješavanjem problematike tretmana procjednih voda iz deponije Smiljevići, koje predstavljaju veliki pritisak na prirodni okoliš. Trenutna situacija je da netretirane otpadne vode sa tijela deponije dopijevaju u otvoreni vodotok – prirodni recipijent Lepenički i Žički potok. Posljedično dolazi do zagađenja rijeke Bosne, potom i Save. Ispuštene toksične materije negativno djeluju na floru i faunu riječnih tokova, te u konačnici i na zdravlje čovjeka. Veoma je važno uzeti u obzir da zbog kompleksnosti i važnosti navedene problematike, samo rješavanje zahtijeva jedan sistemski i odgovoran institucionalan pristup. Ovdje se naročito podrazumijeva postojanje adekvatnog strateškog pristupa u smislu stručnog, planskog i finansijskog planiranja. Nažalost, do sada ovaj dio u cjelosti još uvijek nije ispunjen. U iznalaženju adekvatnog tehnološkog rješenja za tretman otpadnih procjednih voda sa deponije, operator KJKP "RAD" d.o.o. Sarajevo je u svrhu dobivanja Vodne dozvole (Agencija za vodno područje rijeke Save - izdata u mjesecu junu 2024. godine sa rokom važenja najkasnije do 30.06.2026. godine) izradio Dinamički plan sa jasno postavljenim mjerama i aktivnostima, nosiocima aktivnosti i finansijskim vrijednostima. Pomenutim dokumentom između ostalog, predviđaju se aktivnosti na odabiru tehnologije, projektovanju i izgradnji postrojenja za predtretman procjednih voda do juna 2026. godine.



Dakle, prije iznalaženja odgovarajućeg tehnološkog rješenja za izbor budućeg postrojenja za prečišćavanje deponijskih procjernih voda, od izuzetne važnosti je poznavati stručni temeljni pristup, kojeg ćemo pokušati pojasniti u nastavku kroz prioritetne fazne korake:

#### **FAZA I:**

- **Zatvaranje/konzerviranje neaktivnih ploha deponije Smiljevići 11,7 ha** (na osnovu Preliminarne studije izvodljivosti „Unaprijeđenje sedam deponija čvrstog otpada u Bosni i Hercegovini - smanjenje nastanka procjernih voda na RCUO Smiljevići, analiza životnog vijeka i procjena postepenog zatvaranja u svrhu minimizacije procjernih voda, Sarajevo - Svjetska banka - mart 2019. i Glavnog projekta za prekrivanje deponije Smiljevići završnim (brtvenim) slojem površine 11,7 ha – „Enova“, Sarajevo – juni 2023. godine).

Realizacijom ove aktivnosti postižu se sljedeći neophodni preduslovi i dodatni benefiti:

1. Minimizacija količina procjernih voda na ispustu u cilju odabira odgovarajuće tehnologije
2. Sprječavanje pasivnog otplinjavanja sa tijela deponije i smanjenje zagađenja zraka

- **Izrada projektnog zadatka i glavnog projekta za prekrivanje neaktivnih ploha deponije dodatnih - 7 ha**

1. Na osnovu sastanka sa ekspertima Svjetske Banke zaključeno je da bi se samo kompletnim prekrivanjem neaktivnih ploha deponije mogao postići očekivani efekat minimizacije količina voda koje se procjeđuju.
2. Minimiziranje deponijskog filtrata će se postići i predviđenim uređivanjem sistema odvodnje oborinskih i procjernih voda na način da se odvoje obodni kanali čiste vode i zagađenog filtrata.

#### **FAZA II – Može se pokrenuti nakon realizacije radova iz prve faze**

1. Izvršiti Monitoring voda nakon pokrivanja deponije i izrada izvještaja o količinama i sastavu voda u cilju prikaza realnog stanja.
2. Izraditi Projektni zadatak za izradu Studije za predtretman procjernih voda sa deponije Smiljevići.
3. Izrada Studije izvodljivosti za izbor tehnologije za prečistač procjernih voda sa Idejnim rješenjem.
4. Izrada Idejnog i glavnog projekta za predtretman/tretman procjernih voda
5. Izvođenje radova i puštanje u pogon predtretmana/tretmana za prečišćavanje procjernih voda

Ovaj strateški pristup je sažet u dva projekta koja je KJKP “RAD” d.o.o. Sarajevo aplicirao na Program javnih investicija FBiH 2026-2028., to su:

- “Sistemska zbrinjavanje procjernih voda sa deponije Smiljevići” – ukupne vrijednosti 17.350.000,00 KM
- “Konzerviranje neaktivnih ploha deponije Smiljevići” – 11.000.000,00 KM

Tek nakon provedenih prethodno navedenih aktivnosti i svih ostalih radova na deponiji koji su predviđeni sanacijom, može se pristupiti izboru najpovoljnijeg tehnološkog rješenja za tretman procjednih voda deponije Smiljevići.

Također, želimo izraziti naše naše zadovoljstvo podnešenom inicijativom koju podržavamo i s tim u vezi podstičemo uključivanje Centra za napredne tehnologije u Sarajevu da se aktivno uključi u rješavanje predmetne problematike.

Srdačno,

**V.D. DIREKTOR**



DOSTAVITI:

1. *Naslovu*
2. *a/a*

Transakcijski računi:  
UniCredit Bank d.d. Sarajevo: 3389002208077649  
Intesa Sanpaolo Banka d.d. BiH: 1540011100043893



Certifikat ISO 9001:2015 i ISO 14001:2015 za područje primjene  
Javna higijena (prikupljanje, recikliranje, odvoz i odlaganje otpada,  
čišćenje i održavanje javnih površina) sanacija i rekonstrukcija javno  
prometnih površina, proizvodnja asfalta, upravljanjem saobraćajem u  
mirovanju